

## Acta da Asamblexa Xeral

22 de decembro de 2022

**Lugar:** Hotel Santiago Apóstol (Costa San Marcos 1-Santiago de Compostela)

**Hora:** 19:45 en segunda convocatoria sesión ordinaria

Orde do día,

- 1.- Lectura e aprobación se procede da acta da Asemblea anterior.
- 2.- Orzamentos 2023. Aprobación se procede.
- 3.- Calendarios e normativas 2023
- 4.- Renovación e nomeamento de Comités Estatutarios
- 5.- Rogos e preguntas

Asistentes:

Presidente-Javier Campos Peña

Secretaria Xeral- Mónica Flores Ferreiro

---

### ESTAMENTO DE CLUBS

AD Fogar da Xuventude- Gustavo Álvarez Nogueira

AD Náutico de Narón - Amando Guerrero

Cidade de Lugo Fluvial- Adrián Vázquez

Club Natación Cedeira- Xan Xosé Suárez Vilela

Club Olímpico de Vedra – M<sup>a</sup> Candelaria García

Club Triatlón Poio- Carlos Sánchez Lareo

Triatlón Ferrol- José Antonio Formoso

Triatlón Santiago-Paloma Herbello

Triatlón Rias Baixas- Enrique Hernández Moldes

### ESTAMENTO DEPORTISTAS

Patricio Cruz Fariás Forneiro

### ESTAMENTO TÉCNICOS

Javier Campos Peña\*

### ESTAMENTO OFICIAIS/XUICES

Mónica Flores Ferreiro\*

Javier Ángel Vázquez Orejas

---

Asiste para expoñer as cuestións orzamentarias por petición do Presidente o asesor Alejandro Lamela

### **Desenvolvemento da sesión e Acordos Adoptados**

Comeza a sesión en segunda convocatoria ás 19:45 h.



1.-Lectura e aprobación da acta da Asemblea anterior

Indícase que a acta xa foi enviada e polo tanto salvo que alguén desexe que se lea ou aclare algo procédese a votación

Procédesse á votación da acta

Votos a favor- 12

Votos en contra-0

Abstencións- 0

-Votado o punto anterior incorpórase Paloma Herbello (Club Triatlón Santiago)

2.- Orzamentos 2023

Non tendo recibido ningunha pregunta ao respecto deste punto no prazo establecido, o presidente da a palabra ao asesor para que proceda á exposición dos puntos recollidos. O asesor, Alejandro Lamela indica que os orzamentos están baseados nas contas a data de hoxe xa que se tentará seguir a mesma liña. Indica os ingresos confirmados do convenio anual coa Secretaría Xeral para o Deporte, a previsión da subvención de Federacións Autonómicas da FETRI e os ingresos das subvencións de equipamentos que deben ir prorrateados pola amortización a 4 anos

Expostos os orzamentos procédese á súa votación

Votos a favor- 12

Votos en contra-0

Abstencións-1

3.- Calendarios e normativas 2023

Procédesse á presentación do calendario 2023 aprobado en Comisión Delegada, para a súa ratificación pola Asemblea Xeral en quen recae estatutariamente a potestade da súa confección, que foi enviado previamente aos e ás asembleístas indicando que hai unha modificación de última hora xa que se confirmou a cancelación do Acuatlón de Nigrán (Cpto Galego de Acuatlón). O presidente do CN Cedeira, Xan Suárez confirma a súa organización quedando pendente a confirmación da data.

Procédesse á votación quedando aprobado

Votos a favor- 13

Votos en contra-0

Abstencións-0



A continuación procédese á exposición e votación dos regulamentos da tempada coas modificacións propostas

- Regulamento de Competicións FEGATRI

- Elimínase o parágrafo inicial que reflectía o protocolo COVID.

Modifícanse as edicións e retirase o título do Circuito Mozo cambiando a Circuito Supersprint (CD/XV/JN)

- Engádese o punto 4.21. para favorecer a reincorporación que recoñece dereitos ás deportistas coa seguinte redacción

*“Recoñécense unha serie de dereitos ás deportistas en “situación de embarazo e lactancia” a efectos de promover a súa reincorporación e continuidade no deporte despois de ser nais.*

*Considerase que unha deportista se atopa en “situación de embarazo e lactancia” dende a acreditación médica do mesmo ata que transcorran tres meses da finalización do embarazo.*

*Recoñécense os seguintes dereitos a deportistas na situación anterior*

*a) Deportistas que tivesen a praza para participar no Campionato Galego e non participen na mesma por atoparse na situación anterior conservarán a praza para a seguinte edición da mesma proba, unha vez concluída a “situación de embarazo e lactancia”.*

*b) Nos supostos anteriores o número de participantes será incrementado se fose necesario para facilitar, en todo caso, a participación de deportistas que se reincorporen á actividade deportiva de competición tras un período de embarazo e lactancia.”*

Votos a favor- 13

Votos en contra-0

Abstencións-0

- Regulamento de Dúatlon Cros

- A petición do Triatlón Ferrol retirase modifícase o punto 3 que indica que ao comezo do circuito se indicará a proba de puntuación dobre, deixando só que esta será anunciada pola Xunta Directiva, para facilitar a incorporación de probas ao longo da tempada suplindo calquera que se poida cancelar.

- Retíranse os maillots de cada proba deixando só os do campionato galego, quedando redactado o artigo 9 do seguinte xeito. “Os campións e campioas da clasificación absoluta tanto masculinos como femininos, recibirán tamén os correspondentes maillots de campións, que será entregado na cerimonia de premios de cada proba aos campións e campioas provisionais. Os posuidores deste maillot/triraxe deberán vestilo en todas as probas da modalidade nas que participen, ata a celebración do Campionato Galego ou Circuito 2022 segundo corresponda, así como as posibles prendas que tamén identifiquen aos líderes ou lideresas provisionais do Circuito.”

- Elimínase o artigo 11

Votos a favor- 13

Votos en contra-0

Abstencións-0



- Circuíto NO DRAFT

Procédese á votación das condicións á espera da incorporación das probas necesarias para a súa disputa, no caso de non habelas non se disputaría.

Votos a favor- 13  
Votos en contra-0  
Abstencións-0

- Programa Nada e Corre

Preséntase unha nova proposta de regulamento dividida en catro zonas, en lugar das 2 inicialmente establecidas, podendo celebrar 1 ou 2 probas por zona e eliminando os excedentes de clasificación por tempo.

- Clasificación para a final galega será como segue.- Clasificaranse un total de 4 participantes de cada categoría e xénero en cada zona, distribuídos do seguinte xeito, segundo o número de probas celebradas en cada zona. 1 proba clasificatoria - Clasificaranse os 4 primeiros de cada categoría e xénero 2 probas clasificatorias- Clasificaranse os 2 primeiros de cada categoría e xénero En ningún caso computarán os deportistas xa clasificados en probas anteriores.
- Modifícase a estrutura dos remudas para a clasificación de equipos e as distancias e engádesse a remuda inclusiva coa súa regulamentación.  
Clasificación Xeral por equipos A Clasificación por equipos sairá da disputa dun remuda mixto, no que poderá participar calquera club que teña ao menos un deportista masculino e unha deportista feminina de calquera das categorías incluídas no remuda, clasificados para a Final Galega 1. Cada Club presentará un remuda de 6 participantes, 3 masculinos e 3 femininas 2. A orde de relevistas será a seguinte: 1º Alevín Masculino 2º Alevín Feminino 3º Infantil Masculino 4º Infantil Feminino 5º Cadete Masculino 6º Cadete Feminino Clasificación Remuda inclusivo 1. Cada club terá opción a presentar un remuda inclusivo de 3 participantes. Este estará composto por ao menos un ou unha paratriatleta e 2 deportistas das categorías alevín, infantil ou cadete, sendo un masculino e unha feminina. 2. A orde de relevistas e composición será a seguinte: 1º- 1 Deportista Masculino 2º- 1 Deportista paratriatlon Masculino ou Feminina 3º- 1 Deportista Feminina Distancias dos Remudas Natación.- 50 m Carreira a Pé.- 400 m

Votos a favor- 13  
Votos en contra-0  
Abstencións-0

\* Circuíto de Triatlón de Menores

- Modifícanse as categorías do circuíto, quedando para Benxamín, Alevín e Infantil, pero o convenio



- Mantense a subvención da organización destas probas a través do convenio entre a organización e a FEGATRI, co reparto establecido de 6.000 euros para a repartir entre os organizadores, co límite de 1.500 euros por proba. Para acceder a sinatura destes convenios a organización deberá organizar o mesmo día unha proba de promoción para a categoría cadete.

Votos a favor- 13

Votos en contra-0

Abstencións-0

\* Circuíto de Triatlón Mozo

O presidente expón a solicitude, unha vez máis, do Triatlón Ferrol da retirada do nome de Mozo para o circuíto por considerala sexista. Indica que realizou a consulta e se ben, noutros ámbitos da Xunta de Galicia se outorga este nome a premios de cultura, dende política lingüística indícanlle que non é axeitado o seu uso. A proposta da Xunta Directiva é deixar o nome do circuíto como “ Circuíto Supersprint (Cadete/Xuvenil/Junior)

Corríxense os puntos, 3 e 4 en relación á clasificación e premiación que facían referencia a un artigo erróneo, matizando que a FEGATRI entregará os premios do Campionato Galego e Finais de Circuíto tanto individuais coma de equipos. Corríxese a eiva no punto

Votos a favor- 13

Votos en contra-0

Abstencións-0

\* Ranking de clubs

Mantense a estrutura do 2022.

Votos a favor- 13

Votos en contra-0

Abstencións-0

• Licenzas Federativas

O presidente explica a subida de 5 euros por licenza en base á subida do seguro e a subida aplicada pola Federación Española a cada licenza e especialmente ás de menores que serán integras na categoría cadete.

Enrique Hernández Moldes (Triatlón Rias Baixas) manifesta a súa oposición xa que considera que o exposto non é real e a subida e maior tendo en conta que se elimina a bonificación ata 31 de xaneiro. Considera que esa bonificación se pode manter de cara ao fomento do deporte.

Debatido o punto procédese á súa votación quedando aprobada a proposta.

Votos a favor- 8

Votos en contra-1 (Triatlón Rias Baixas)

Abstencións-4



- Tarifas probas autonómicas

A proposta realizada pola Xunta Directiva é manter o resto das tarifas federativas para 2023.

Javier Vázquez Orejas (Estamento de xuíces) indica que nas tarifas dos xuíces considera que se debe subir de forma lineal aos xuíces árbitros nas probas de media e longa distancia, en relación á subida do resto de oficiais.

Indícaselle que as tarifas están baseadas nas recomendacións das tarifas da FETRI e que a proposta debería polo tanto ser enviada en tempo e forma para o seu estudo por ter influencia no incremento de cargas ao organizador neste momento. Procédese á votación do documento enviado quedando aprobado.

Votos a favor- 14  
Votos en contra-0  
Abstencións-0

#### 4.- Renovación e nomeamento de Comités Estatutarios

O presidente presenta a proposta de nomeamento dos xuíces para a renovación de órganos para a seguinte lexislatura.

##### Renovación do Comité de Disciplina Deportiva da FEGATRI

- Xuíz Único de 1ª Instancia- Ricardo Cores Vázquez
- Xuíz Único de Apelación- José Manuel Fernández López (Licenciado en Dereito)

Votos a favor- 14  
Votos en contra-0  
Abstencións-0

#### 5.- Rogos e preguntas

- AD FOGAR-“ Pregunta si se contempla aumentar o número de eventos deportivos para categorías escolares, indicando que diminúen tempada a tempada o que supón unha desilusión para os máis pequenos.  
O presidente resposta á AD Fogar indicando que o número de probas de menores celebradas foi practicamente o mesmo que a de adultos. En todo caso a Federación seguirá apostando pola celebración de probas de menores, reflectindo isto no orzamento de menores que se segue aumentando para dar apoio e soporte aos clubs organizadores a través de convenios e subvencións, sendo conscientes que son probas nas que a organización non cobra inscrición algunha mentres o gasto é o mesmo que nunha de adultos.



- TRIATLÓN FERROL-
  - Promoción da Remuda Mixta.- Engadiuse ao nada e corre na clasificación de clubs e mantense aberta a organización do campionato galego de remudas.
  - Garantía ante a maternidade.-Seguindo as directrices da FETRI incorporouse un artigo ao regulamento xeral para promover a reincorporación da muller á competición despois da maternidade e lactancia.
  - Puntuación Trofeo Amizade.- O presidente indica que este trofeo leva varios anos sen celebrarse polo que non ten sentido regulalo, pero adquire o compromiso de que en todo momento as probas avaladas pola FEGATRI respectarán a lexislación vixente en relación á igualdade de xénero.
  - Dobre puntuación da categoría cadete no Circuito Mozo e de Menores- Xa se realizou e aprobou unha modificación nos regulamentos específicos.
  - Renomear o circuito Mozo – Aprobouse modificar o nome a Circuito Supersprint (CD/XV/JN)
  - Protección de Datos da Imaxe dos Menores.- Consultouse con Cube Consultoría (Empresa de xestión da Protección de Datos FEGATRI) e indicou que co documento asinado a FEGATRI onde debe asinar o pai/nai/titor-a legal. No caso de que legalmente quen asine non teña a potestade para facelo a responsabilidade recaerá sobre esa persoa por falsidade e non sobre a FEGATRI que non pode pedir ese dato privado. No mesmo documento de autorización indícase o dereito de rectificación de acordo á lexislación vixente.
- Propostas de Javier Ángel Vázquez Orejas en relación ao material de oficiais. Solicita cascos de moto de todas as tallas, cascos de bicicleta de todas as tallaxes, chaquetas e pantalóns de abrigo e auga.
  - Cascos.- O presidente indica que se revisarán os 6 cascos dos que dispón a FEGATRI e xa ten orzamentos para a merca dos que sexa necesario suplir se estean estropeados. En canto aos de bicicleta a Federación xa conta con eles e están a disposición do colexio de xuíces.
  - Chaquetas.- Confírmase a súa aportación e que xa se está traballando con dous orzamentos e pendentos dun terceiro, para xestionar a súa merca ao longo da tempada.
  - Pantalóns.- Por cuestións de tallaxe estase estudando aportar un pantalón de augas/cortaventos para cubrir o chándal que se está a recibir xa que se ve máis factible á hora de tallaxes. En todo caso igualmente estase traballando de cara á súa provisión.

Levántase a sesión ás 22:28 h.

VºBº

Asdo.- A Secretaria Xeral  
Mónica Flores Ferreiro

Asdo.- O Presidente  
Javier Campos Peña

**FEGATRI**  
FEDERACIÓN GALEGA DE TRIATLÓN  
E PENTATLÓN MODERNO

Rúa Castelao 21, ent. 2  
27001 Lugo || 982 251 345  
N.I.F.: V36703932

7



Faint, illegible text, possibly bleed-through from the reverse side of the page.

FEDATARIO

